



Broj: 13-02/1-02-31498/17
Sarajevo, 27.10.2017.godine

SKUPŠTINA KANTONA SARAJEVO
Služba za skupštinske poslove

KANTON SARAJEVO
Stručna služba Vlade
N/r Sekretara
-Ovdje-

Zastupnik Semir Halilović je na 33. Radnoj sjednici Skupštine Kantona Sarajevo, održanoj dana 02.10.2017.godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo zastupničku inicijativu kako slijedi:

" za izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom u cilju očuvanja stope prirodnog priraštaja stanovništva u Kantonu Sarajevo."

ODGOVOR:

Ministarstvo za rad, socijalnu politiku, raseljena lica i izbjeglice Kantona Sarajevo, Sektor za socijalnu politiku je razmotrilo dostavljenu inicijativu i na istu daje slijedeći odgovor:

Prateći stanje u oblasti socijalne zaštite, nakon provedenih javnih konsultacija na temu novoga Zakona o podršci obiteljima s djecom u Federaciji Bosne i Hercegovine, čiji smo i mi učesnici koje su krajem mjeseca jula i početkom mjeseca maja tekuće godine provedene u Federaciji Bosne i Hercegovine, Federalno ministarstvo rada i socijalne politike je obradilo brojne pristigle komentare i sugestije, te je održan i finalni radni sastanak Radne grupe na izradi ovog zakonskog propisa, na kojem su se detaljno analizirala predložena ključna zakonska rješenja, i vođene rasprave u vezi dilema proisteklih iz procesa javnih konsultacija. Nakon održavanja ovoga sastanka i tehničke dorade Zakona i Javne politike o zaštiti porodice sa djecom u Federaciji Bosne i Hercegovine planirano je da isti budu dostavljeni federalnom ministru rada i socijalne politike na daljnje postupanje, odnosno pokretanje procedure njihovog donošenja. Zbog važnosti navedene problematike, ovo ministarstvo je svo vrijeme uključeno u ovu proceduru i već predložilo pomake u smislu finansijskog poboljšanja materijalnih potpora porodicama, djeci i roditeljima, samohranim majkama, tako da je naš doprinos u smislu Vaše inicijative već prepoznatljiv u Federaciji Bosne i Hercegovine. Ministarstvo za rad, socijalnu politiku, raseljena lica i izbjeglice Kantona Sarajevo aktivni je učesnik svih aktivnosti u procesu donošenja ovog zakona na federalnom nivou, nakon čega predstoji usaglašavanje i donošenje Zakona o podršci porodice sa djecom u Kantonu Sarajevo.

Takođe, ističemo da su u toku aktivnosti Ministarstva u reformi zakonodavstva u oblasti socijalne i dječije zaštite započetu sa nivoa Federacije Bosne i Hercegovine na izradi novih zakona, i to: Zakona o obavljanju socijalne djelatnosti i Zakona o socijalnim uslugama, te u tom smislu

nakon donošenja istih vršit će se i usaglašavanje zakonskih i podzakonskih akata u oblasti socijalne zaštite, dječije zaštite i zaštite porodice sa djecom.

Uz koordinaciju na svim nivoima vlasti u Federaciji Bosne i Hercegovine potrebno je osigurati jedinstvena zakonska rješenja koja će omogućiti adekvatne pravne mehanizme zaštite i podrške porodice s djecom na području cijele Federacije Bosne i Hercegovine, na načelima socijalne pravičnosti.

Napominjemo, da su Zakonom o izmjenama i dopunama Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/16) propisana nova zakonska rješenja kada je u pitanju zaštita najugroženijih kategorija stanovništva, segment socijalne politike u Kantonu Sarajevo je unaprijeđen kako u dijelu socijalne zaštite tako i u dijelu zaštite porodice sa djecom (npr. pomjerena je dobna granica smještaja u ustanovu sa 18. na 27. godina kada za to postoje opravdani razlozi, tako da djeca koja žele da nastave školovanje, kao i djeca kojoj je potrebna podrška u socijalizaciji i osamostaljivanju mogu ostati do 27. godine u KJU Dom za djecu bez roditeljskog staranja - Kuća za mlade; omogućeno je da pravo na dodatak na djecu mogu ostvariti i porodice u kojima dijete i barem jedan od roditelja djeteta imaju državljanstvo Bosne i Hercegovine. Istim Zakonom je omogućeno da pravo na dodatak na djecu, bez obzira na imovinski cenzus, pripada i djetetu kod koga je nalazom Instituta za medicinsko vještačenje utvrđen invaliditet od najmanje 90%.

Nadalje, u dijelu ovog zakona, koji se odnosi na zaštitu porodilja poboljšan je položaj žena - majki u radnom odnosu koje u skladu sa propisima o radu imaju pravo na rad sa polovinom radnog vremena i to da se naknada plaće za polovinu radnog vremena koje ne radi utvrđuje u iznosu 30% prosječne plaće, a na teret ovog ministarstva. Omogućeno je da u slučaju smrti žene - majke koja nije u radnom odnosu u toku poroda ili u toku trajanja ostvarivanja prava na novčanu pomoć, otac djeteta ima pravo na novčanu pomoć. Što se tiče dijela Vaše inicijative, koji se odnosi na prijedlog uvođenja termina "roditeljsko odsustvo", u Zakonu je već propisano, pored majčinskog i očinskog odsustva po ovom osnovu, te je ekonomska stabilizacija porodice omogućena provođenjem postupka i po važećem zakonu.

Kroz Javnu politiku o zaštiti porodice sa djecom u Federaciji Bosne i Hercegovine će se uskladiti pravni okvir u oblasti zaštite porodice sa djecom, vrste prava korisnika i uslovi za ostvarivanje prava i utvrditi jedinstvena osnovica i procenat za obračun naknada i za osnovna i za proširena prava iz oblasti zaštite porodice sa djecom u Federaciji Bosne i Hercegovine.

Svi kantoni će biti u obavezi donijeti novi zakon iz navedene oblasti koji će u svemu biti usklađen sa Federalnim zakonom.

S poštovanjem,

Pripremila: Cica Pljevljak, Šef Odjeljenja
Kontrolisala: Slavica Gorančić, pomoćnik ministrice

MINISTRICA

Amela Dautbegović

Dostaviti:

1. Naslovu 2x
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090



